

15 外道不著衣服。身上塗灰事於大天。⁷此寺中有一金銅像。五百□□□□。是摩揭陀國舊有一王。名尸羅票底。造此像也。兼造一金銅□□□□。輻團圓正等卅餘步。此城俯臨恒河北岸置也。卽此鹿野苑。拘尸那。舍城。摩訶菩提等四大靈塔。在摩揭陀國王界。此國大小乘俱行。□□得達摩訶菩提寺。稱其本願。非常歡喜。略題述其愚志。五言「不慮菩提遠。焉將鹿苑遙。只愁懸路險。非意業風飄。八塔誠難見。」參差經劫燒。何其人願滿。目覩在今朝。又卽從此彼羅疵斯國。□□□□月至中天竺國王住城。名葛那及自。此中天王境界極寬。百姓繁鬧。¹¹王有九百頭象。餘大首領各有三二百頭。其王每自領兵馬鬪戰。常與餘四「天戰也。中天王常勝。彼國法。自知象少兵少。卽請和。每年輸稅。不交陣」相煞也。衣著言音。人風法用。五天相似。唯南天村草百姓。語有差別。仕□□之類。中天不殊。五天國法。無有枷棒牢獄。有罪之者。據輕重罰錢。亦無「形戮」¹²。上至國王。下及黎庶。不見遊獵放鷹走犬等事。道路雖卽足賊。¹³取物卽放。亦不殤煞。如若怯物。¹⁴卽有損也。土地甚暖。百卉恒青。無有霜「雪。食唯粳糧餅麩蘇乳酪等。無醬有鹽。總用土鍋。煮飯而食。」無鐵釜等也。百姓無別庸稅。但抽田子五石與王。王自遣人運將。田主勞「不爲送也。彼